

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Broj: 03-02-201/2022
Sarajevo, 17.02.2022. godine

**PARLAMENT FEDERACIJE
BOSNE I HERCEGOVINE**

- Predstavnički dom -
gosp. Mirsad Zaimović, predsjedavajući

- Dom naroda -
gosp. Tomislav Martinović, predsjedavajući



Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 172. stav (1) Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i članom 164. stav (1) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), radi razmatranja i usvajanja po skraćenom postupku, dostavljam Vam PRIJEDLOG ZAKONA O IZMJENAMA I DOPUNAMA ZAKONA O PRAVIMA BRANILACA I ČLANOVA NJIHOVIH PORODICA, koji je utvrdila Vlada Federacije Bosne i Hercegovine na 303. sjednici, održanoj 17.02.2022. godine.

Prijedlog zakona se dostavlja na službenim jezicima i pismima Federacije Bosne i Hercegovine u printanoj i elektronskoj formi (CD).

S poštovanjem,



Prilog: - Prijedlog zakona na bosanskom jeziku,
- Odredbe Zakona koje se mijenjaju,
- Obrazac IFP-DA i
- Zakon o pravima branilaca i članova njihovih porodica
(„Službene novine Federacije BiH“, br. 33/04, 56/05, 70/07, 9/10 i 90/17) (CD).

Cc: Federalno ministarstvo za pitanja boraca i invalida odbrambeno oslobodilačkog rata-
Federalno ministarstvo za pitanja branitelja i invalida domovinskog rata

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**Z A K O N
O IZMJENAMA I DOPUNAMA ZAKONA O PRAVIMA BRANILACA I
ČLANOVA NJIHOVIH PORODICA**

Sarajevo, februar 2022. godine

PRIJEDLOG ZA DONOŠENJE ZAKONA PO SKRAĆENOM POSTUPKU

Parlament Federacije Bosne i Hercegovine je na sjednici Predstavničkog doma od 16.07.2019. godine i na sjednici Doma naroda od 18.07.2019. godine usvojio Zakon o pravima demobiliziranih branilaca i članova njihovih porodica („Službene novine Federacije BiH“, broj 54/19), kojim su uređena prava, uslovi i postupak za ostvarivanje prava demobiliziranih branilaca (kao lica zaslužnih u odbrambeno-oslobodilačkom/domovinskom ratu), kao i prava, uslovi i postupak za ostvarivanje prava članova porodica demobiliziranih branilaca. Stoga je neophodno izvršiti usklađivanje pojedinih odredbi Zakona o pravima branilaca i članova njihovih porodica („Službene novine Federacije BiH“, br. 33/04, 56/05, 70/07, 9/10 i 90/17) sa Zakonom o pravima demobiliziranih branilaca i članova njihovih porodica. Pored navedenog određene izmjene i dopune Zakona predložene su od strane Organizacije porodica poginulih boraca i šehida Federacije BiH, Saveza ratnih vojnih invalida Federacije BiH i Saveza ratnih vojnih invalida paraplegičara Federacije BiH na koje je ukazala praktična primjena Zakona.

Imajući u vidu naprijed navedeno, kao i činjenicu da nije u pitanju složena i obimna izmjena zakona, predlažemo da se navedeni zakon donese po skraćenom postupku.

**ZAKON
O IZMJENAMA I DOPUNAMA ZAKONA O PRAVIMA BRANILACA I ČLANOVA NJIHOVIH
PORODICA**

Član 1.

U Zakonu o pravima branilaca i članova njihovih porodica ("Službene novine Federacije BiH", br. 33/04, 56/05, 70/07, 9/10 i 90/17), u članu 1. stav (1) riječi: "i demobiliziranih branilaca", brišu se.

Član 2.

Naziv poglavlja "II - PRAVA DEMOBILIZIRANIH BRANILACA" i član 7. brišu se.

Član 3.

U članu 12. stav (2) mijenja se i glasi:

"(2) Osnovica za određivanje mjesecnih novčanih primanja, prema ovom zakonu, utvrđuje se u visini od 910,00 KM (slovima:devetstotinadeset i 00/100) koja se odlukom Vlade Federacije Bosne i Hercegovine početkom svake godine mijenja i usklađuje prema odredbama člana 57. ovog zakona".

Član 4.

U članu 17. tačka 6. iza riječi "ukoliko" dodaju se riječi: "u momentu podnošenja zahtjeva za ostvarivanje prava na porodičnu invalidninu".

U tački 7. riječi: "do 17.11.2007. godine", zamjenjuju se riječima: "kod nadležnog suda, pod uslovom da nije zasnovala/o bračnu ili vanbračnu zajednicu nakon smrti branjoca".

Član 5.

U članu 20. stav (1) tačka 6. iza riječi "ukoliko" dodaju se riječi: "u momentu podnošenja zahtjeva za ostvarivanje prava na porodičnu invalidninu".

U tački 7. na kraju teksta iza riječi "člana" dodaju se riječi:"pod uslovom da nije zasnovala/o bračnu ili vanbračnu zajednicu nakon smrti branjoca".

Član 6.

Iza člana 20. dodaje se novi član 20a. koji glasi:

"Član 20a.

Djeca šehida i poginulih branilaca, rođena u braku ili u vanbračnoj zajednici, i nakon prestanka prava na porodičnu invalidninu imaju status člana porodice poginulog branjoca i ostvaruju sva druga prava propisana zakonima o dopunskim pravima branilaca i članova njihovih porodica kantona, propisima općina/gradova ili drugim propisima".

Član 7.

U članu 21. stav (2) mijenja se i glasi:

“(2) Za lica iz člana 20. stav (1) tačka 1. ovog zakona koja nisu imala djecu porodična invalidnina iznosi 43 % od osnovice.“

Član 8.

Član 21a. mijenja se i glasi:

“Član 21a.

- (1) Nakon smrti ratnog vojnog invalida II-VII grupe čija smrt nije posljedica ranjavanja, povrede ili oboljenja, po kom osnovu je ostvario pravo na ličnu invalidninu, kao i nakon smrti ratnog vojnog invalida VIII-X grupe članovi njegove porodice iz člana 20. stav 1. tač. 1. i 2. ovog zakona koji nisu u radnom odnosu, a koji su živjeli u zajedničkom domaćinstvu, imaju pravo na porodičnu invalidninu u visini od 50% iznosa njegove ratne vojne invalidnine.
- (2) Supruga umrlog ratnog vojnog invalida bez obzira na uzrok smrti, mlađa od 45 godina, ako nije u radnom odnosu može ostvariti pravo na porodičnu invalidninu u visini od 50% iznosa invalidnine umrlog ratnog vojnog invalida”.

Član 9.

U članu 21b. riječi: "prethodnog stava" zamjenjuju se riječima: "u smislu člana 21a. ovog zakona", a riječ "tri" zamjenjuje se u riječju "jedna".

Član 10.

U članu 21c. broj "25." zamjenjuje se brojem "35".

Član 11.

U članu 22. st. (5) i (6) mijenjaju se i glase:

- “(5) Za jednog roditelja ženjenog poginulog branioca, koji nema drugih prihoda porodična invalidnina iznosi 43% od osnovice.
- (6) Ukoliko porodičnu invalidninu koriste oba roditelja pod uslovima iz stava (5) ovog člana porodična invalidnina iznosi 50% od osnovice”.

Član 12.

U članu 27. stav (1) riječi: "i demobilizirani branioci", brišu se.

U stavu (3) riječi: "demobiliziranog branioca i djeci demobiliziranih branilaca", brišu se.

U stavu (5) riječ "teži" briše se, a riječ "roditelji" zamjenjuju se riječju "porodice".

Član 13.

Član 28. mijenja se i glasi:

“Član 28.

- (1) Federalni zavod za zapošljavanje i kantonalne službe za zapošljavanje su dužni u programima aktivne politike u oblasti zapošljavanja poduzeti mjere kojim će se osigurati posebna sredstva radi povoljnijeg sufinansiranja zapošljavanja, samozapošljavanja, obuke, prekvalifikacije i dokvalifikacije lica iz člana 1. ovog zakona koja se nalaze na evidenciji nezaposlenih lica u Federaciji.
- (2) Lica iz člana 1. ovog zakona, pod uslovom da su registrovani kao individualni poljoprivredni proizvođači ili imaju prijavljen obrt, imaju prioritet pri dodjeli sredstava za investicije u poljoprivredna domaćinstva (gazdinstva) i obrtnu djelatnost.”

Član 14.

Iza člana 28. dodaje se novi član 28a. koji glasi:

“Član 28a.

- (1) Federalni, kantonalni, gradski organi i općinske službe za upravu i upravne organizacije, javne ustanove i javna preduzeća čiji su osnivači Federacija, kanton, grad ili općina, dužni su prilikom prijema u radni odnos osigurati prednost licima iz člana 1. ovog zakona.
- (2) Obavezu iz stava (1) ovog člana imaju i sva privredna društva i javna preduzeća u kojima Federacija ima većinski vlasnički udio.
- (3) Subjekti iz st.(1) i (2) ovog člana dužni su u roku od 60 dana od dana stupanja na snagu ovog zakona uskladiti svoje akte i propise i donijeti provedbeni propis kojim se reguliše prednost pri zapošljavanju, na način da se licima iz člana 1. ovog zakona osigura prednost.”

Član 15.

U članu 29. stav (2) tačka 5. briše se.

Član 16.

U članu 31. iza riječi: “nestalih branilaca” zarez se zamjenjuje riječju “i”, a riječi: “i demobilizirani branioci”, brišu se.

Član 17.

U članu 31b. broj “20” zamjenjuje se brojem “15”.

Član 18.

Član 57. stav (3) mijenja se i glasi:

- “(3) Visina osnovice iz člana 12. stav (2) ovog zakona usklađivat će se u visini zbira 50% procenta porasta potrošačkih cijena i 50% procenta porasta realnog bruto društvenog proizvoda u Federaciji u prethodnoj godini, a prema podacima Federalnog zavoda za statistiku, a najviše do stope rasta realnog društvenog prozvoda u prethodnoj godini. Usklađivanje osnovice će se vršiti od 01.01.2023. godine”.

Iza stava (3) dodaje novi stav (4) koji glasi:

- “(4) U slučaju negativnog kretanja potrošačkih cijena i realnog bruto društvenog proizvoda u smislu stava (3) ovog člana, usklađena osnovica iz člana 12. ovog zakona neće se smanjivati.”

Dosadašnji stav (4) postaje stav (5).

Član 19.

Ovaj zakon stupa na snagu narednog dana od dana objavljivanja u „Službenim novinama Federacije BiH“.

O B R A Z L O Ž E N J E
PRIJEDLOGA ZAKONA O IZMJENAMA I DOPUNAMA
ZAKONA O PRAVIMA BRANILACA I ČLANOVA NJIHOVIH PORODICA

I - USTAVNI OSNOV ZA DONOŠENJE ZAKONA

Ustavni osnov za donošenje ovog zakona sadržan je u članu III.2.e), u vezi sa članom III.3.(3), Ustava Federacije Bosne i Hercegovine („Službene novine Federacije BiH”, broj: 1/94), prema kome Federalna vlast, kada se radi o zakonima i drugim propisima koji su obavezujući na području cijele Federacije Bosne i Hercegovine, ima pravo utvrđivati politiku i donositi zakone u oblasti socijalne politike.

Dakle, imajući u vidu citiranu ustavnu odredbu, federalna vlast ima pravo utvrđivati politiku i donositi zakone i druge propise koji su obavezujući na području cijele Federacije, svake od propisanih zajedničkih nadležnosti i bez prethodne saglasnosti kantona.

II - RAZLOZI ZA DONOŠENJE ZAKONA

Razlog za donošenje Zakona o izmjenama i dopunama Zakona o pravima branilaca i članova njihovih porodica („Službene novine Federacije BiH“, br. 33/04, 56/05, 70/07, 9/10 i 90/17) je usklađivanje sa Zakonom o pravima demobiliziranih branilaca i članova njihovih porodica („Službene novine Federacije BiH“, broj 54/19) i Zakonom o penzijskom i invalidskom osiguranju („Službene novine Federacije BiH“, br.13/18 i 90/21).

III - POJAŠNJENJE POJEDINIХ ODREDBI

Članom 1.- brisana je kategorija “demobilizirani branilac”.

Članom 2.- usklađena su poglavila zakona i članovi.

Članom 3.- utvrđena je osnovica i način njenog usklađivanja.

Članom 4. i 5. - regulisan je uslov ostvarivanja prava na porodičnu invalidninu iza umrlog branioca, kao i brisan rok u pogledu dokazivanja bračne ili vanbračne zajednicu nakon smrti branioca.

Članom 6.- propisano je da djeca šehida i poginulih branilaca, rođena u braku ili u vanbračnoj zajednici, i nakon prestanka prava na porodičnu invalidninu imaju status člana porodice poginulog branioca i ostvaruju sva druga prava propisana zakonima o dopunskim pravima branilaca i članova njihovih porodica kantona, propisima općina/gradova ili drugim propisima.

Članom 7.- propisano je povećanje osnovice.

Članom 8.- izmjenjen je član 21a. ovog zakona, te je propisano da supruga umrlog ratnog vojnog invalida bez obzira na uzrok smrti, mlađa od 45 godina, ako nije u radnom odnosu može ostvariti pravo na porodičnu invalidninu u visini od 50% iznosa invalidnine umrlog ratnog vojnog invalida.

Članom 9. – smanjen je uslov za zajedničko domaćinstvo sa umrlim ratnim vojnim invalidom sa tri godine na jednu godinu.

Članom 10.- propisano je da se dobna granica za djecu branilaca pomjera sa 25 na 35 godina života.

Članom 11.- propisano je povećanje osnovice.

Članom 12.- brisana je kategorija demobiliziranih branilaca i umjesto pojma "roditelji" propisano je "porodice".

Članom 13.- propisana je prednost u oblasti zapošljavanja, samozapošljavanja, obuke, prekvalifikacije i dokvalifikacije kao i dodjele sredstava za investicije u poljoprivredna domaćinstva (gazdinstva) i obrtnu djelatnost.

Članom 14.- propisana je prednost prilikom zapošljavanja u federalne, kantonalne, gradske organe i općinske službe, kao i u sva privredna društva i javna preduzeća u kojima Federacija BiH ima većinski vlasnički udio. Također je propisana obaveza naprijed pobrojanih organa uprave i privrednih društava donošenja podzakonskih akata u roku od 60 dana od dana stupanja na snagu ovog zakona.

Članom 15. i 16.- brisana je kategorija demobilizirani branilac.

Članom 17.- propisano je usklađivanje penzijskog staža sa odredbama Zakona o penzijskom i invalidskom osiguranju.

Članom 18.- propisan je način obračuna osnovice i početak njene primjene.

Članom 19.- propisano je da ovaj zakon stupa na snagu narednog dana od dana objavlјivanja u "Službenim novinama Federacije BiH".

IV-FINANSIJSKA SREDSTVA POTREBNA ZA PROVOĐENJE OVOG ZAKONA

Za provođenje ovog zakona u Budžetu Federacije Bosne i Hercegovine su potrebna dodatna finansijska sredstva.

Razlog za donošenje Zakona o izmjenama i dopunama Zakona o pravima branilaca i članova njihovih porodica je usklađivanje sa Zakonom o pravima demobiliziranih branilaca i članova njihovih porodica i Zakonom o penzijskom i invalidskom osiguranju.

Izmjenama i dopunama navedenog zakona predviđeno je:

- Povećanje osnovice za određivanje mjesecnih novčanih primanja za 5%,
- Usklađivanje osnovice u visini zbiru 50% procenta porasta potrošačkih cijena i 50% procenta porasta realnog bruto društvenog proizvoda u Federaciji BiH u prethodnoj godini, a prema podacima Federalnog zavoda za statistiku, a najviše do stope rasta realnog društvenog proizvoda u prethodnoj godini,
- Da supruga umrlog ratnog vojnog invalida bez obzira na uzrok smrti, mlađa od 45 godina, ako nije u radnom odnosu može ostvariti pravo na porodičnu invalidninu u visini od 50% iznosa invalidnine umrlog ratnog vojnog invalida,
- Za jednog roditelja ženjenog poginulog branjoca koji nema drugih prihoda porodična invalidnina iznosi 43% od osnovice, a ukoliko porodičnu invalidninu koriste oba roditelja pod uvjetima, porodična invalidnina iznosi 50% od osnovice i
- Za djecu bez oba roditelja koja se nalaze na evidenciji Službe za zapošljavanje porodična invalidnina iznosi 43% od osnovice.

Za realizaciju navedenih izmjena i dopuna Zakona o pravima branilaca i članova njihovih porodica potrebno je obezbijediti dodatna finansijska sredstva u Budžetu Federacije BiH u iznosu od 18.500.000,00 KM.

U finansijskom zahtjevu Ministarstva za 2022. godinu kao i Nacrtom Budžeta Federacije BiH za 2022. godinu na poziciji 6142 - Tekući transferi pojedincima - za invalidnine, planirana su sredstva u iznosu od 271.685.000,00 KM.

Napomena:

Zakon o izmjenama i dopunama Zakona o pravima branilaca i članova njihovih porodica, kojim je predviđeno povećanje iznosa dodatka za tuđu njegu i pomoć od drugog lica za 100% usvojen je na Predstavničkom domu Parlamenta Federacije BiH. Za provođenje ovog zakona (trenutno 600 RVI korisnika tuđe njege) potrebna su dodatna finansijska sredstva u iznosu od 5.197.713,00 KM na godišnjem nivou.

ODREDBE ZAKONA O PRAVIMA BRANILACA I ČLANOVA NJIHOVIH PORODICA

KOJI SE MIJENJAJU I DOPUNJUJU

ZAKON O PRAVIMA BRANILACA I ČLANOVA NJIHOVIH PORODICA

(“Službene novine Federacije BiH”, broj: 33/04, 56/05, 70/07 i 9/10)

Član 1.

Ovim Zakonom uređuju se: uvjeti, način i postupak za ostvarivanje prava ratnih vojnih invalida i članova njihovih porodica, članova porodica šehida, članova porodica poginulih, umrlih i nestalih branilaca (u dalnjem tekstu: porodice poginulih, umrlih, nestalih branilaca) i demobiliziranih branilaca, lica zaslužnih u odbrambeno-oslobodilačkom ratu, kao i druga pitanja iz oblasti branilačko-invalidske zaštite.

Pojam šehid ili pojma poginuli branilac, u smislu ovog Zakona, koristi se po slobodnom izboru korisnika prava.

II – PRAVA DEMOBILIZIRANIH BRANILACA

Član 7.

Branioci i članovi njihovih porodica ostvaruju druga prava u skladu sa federalnim i kantonalnim propisima koja nisu obuhvaćena ovim Zakonom i to:

1. novčanu naknadu za vrijeme nezaposlenosti;
2. prednost pri zapošljavanju pod jednakim uvjetima;
3. prednost pri zakupu i otkupu poslovnog prostora pod jednakim uvjetima;
4. prednost pri upisu u obrazovne ustanove pod jednakim uvjetima;
5. besplatne obavezne udžbenike za redovno školovanje;
6. prednost pri dodjeli stipendija i smještaju u đačke i studentske domove;
7. zdravstvenu zaštitu;
8. prioritetno pravo za rješavanje stambenog pitanja pod jednakim uvjetima;
9. pomoć u slučaju smrti;
10. prednost pri korištenju programa nadležnih zavoda za zapošljavanje;
11. oslobođanje od plaćanja, naknade troškova korištenja građevinskog zemljišta;
12. ostvarivanje penzije pod povoljnijim uvjetima;
13. druga prava u skladu sa posebnim propisima.

Prava utvrđena ovim članom regulirat će se u skladu sa odredbama čl. od 26. do 31. ovog Zakona.

Član 12.

Lična invalidnina ratnog vojnog invalida utvrđuje se u mjesечnom iznosu, prema grupi vojnog invaliditeta.

Osnovica za određivanje mjesечnih novčanih primanja, prema ovom Zakonu, utvrđuje se u početnom iznosu od 734,00 KM, koja se odlukom Vlade Federacije Bosne i Hercegovine početkom svake godine mijenja i usklađuje prema odredbama člana 57. ovog Zakona.

Mjesečni iznos lične invalidnine invalida od I do X grupe određuje se u procentu od osnovice iz prethodnog stava i iznosi:

Grupa	Procent (%)
I	100%
II	73%
III	55%
IV	43%
V	32%
VI	18%
VII	13%
VIII	7%
IX	6%
X	5%

Član 17.

Članovi porodice peginulog, umrlog, nestalog branioca i umrlog ratnog vojnog invalida, u smislu ovog Zakona, su:

- bračni drug, djeca rođena u braku i van braka
- usvojena djeca, kao i pastorčad koja su sa peginulim ili nestalim braniocem, odnosno umrlim ratnim vojnim invalidom živjeli u zajedničkom domaćinstvu posljednu godinu prije njegove smrti ili nestanka, odnosno stupanja u Oružane snage
- roditelji i usvojilac;
- očuh i mačeha koji su sa peginulim, umrlim, nestalim braniocem, odnosno umrlim ratnim vojnim invalidom živjeli u zajedničkom domaćinstvu najmanje tri godine neposredno prije njegove smrti, odnosno stupanja u Oružane snage;
- dedo i nana – po ocu i majci, koji su se starali o podizanju i odgoju lica od koga izvode pravo i sa kojim su živjeli u zajedničkom domaćinstvu najmanje tri godine neposredno prije njegovog stupanja u Oružane snage, pod uvjetom da nema lica iz tač. 1., 2., 3. i 4. ovog stava;
- maloljetna braća i sestre, kao i braća i sestre nesposobni za privređivanje, a čija je nesposobnost nastupila prije 15. godine života, ako su sa njim živjeli u zajedničkom domaćinstvu do njegove smrti, odnosno do stupanja u Oružane snage i ukoliko nemaju roditelje, odnosno članove uže porodice;
- vanbračni drug neoženjenog peginulog, umrlog, nestalog branioca sa kojim je imao dijete i sa kojim je živio u zajedničkom domaćinstvu najmanje godinu dana prije njegove smrti, odnosno stupanja u Oružane snage, ako je taj status dokazao do 17.11.2007. godine.

Član 20.

Članovi porodice peginulog, umrlog, nestalog branioca imaju pravo na porodičnu invalidninu pod sljedećim uvjetima:

- udovica kada navrši 45 godina života ili udovac kada navrši 60 godina života, kao i prije navršenih 45 odnosno 60 godina života, ako ih nadležna ljekarska komisija proglaši trajno nesposobnim za privređivanje, ili ako je djeci prestalo pravo prema ovom Zakonu;

- djeca rođena u braku ili van braka, usvojenici i pastorčad do navršene 15. godine života, odnosno ako su na školovanju do kraja trajanja redovnog školovanja, a najkasnije do navršene 25. godine života, a ako su nesposobni za privređivanje – za vrijeme dok ta nesposobnost traje, pod uvjetom da je nesposobnost nastupila prije navršene 15. godine života odnosno 25. godine života, ukoliko su bila na redovnom školovanju. Ako je školovanje prekinuto zbog bolesti ili službe u Oružanim snagama za vrijeme ratnog stanja, ova lica mogu se koristiti pravom na porodičnu invalidninu i za vrijeme bolovanja, odnosno službe u Oružanim snagama za vrijeme ratnog stanja i to do navršene 25. godine života, a poslije toga najviše još za onoliko vremena koliko su izgubili od redovnog školovanja, ako je redovno školovanje produženo prije navršene 25. godine života;
- roditelji i usvojenci imaju pravo na porodičnu invalidninu iako su lica iz tačke 1. i 2. stava 1. ovog člana ostvarila to pravo;
- očuh i mačeha ukoliko nema lica iz stava 1. tačka 3. ovog člana koji su sa poginulim braniocem, odnosno umrlim ratnim vojnim invalidom živjeli u zajedničkom domaćinstvu najmanje tri godine neposredno prije njegove smrti, odnosno stupanja u Oružane snage. Očuh, mačeha i usvojilac koji ispunjavaju uvjete za priznavanje prava na porodičnu invalidninu imaju preče pravo od roditelja koji nije vršio roditeljske dužnosti u skladu sa zakonom;
- dedo i nana - po ocu i majci, koji su se starali o podizanju i odgoju lica od koga izvode pravo i sa kojim su živjeli u zajedničkom domaćinstvu najmanje tri godine neposredno prije njegovog stupanja u Oružane snage, pod uvjetom da nema lica iz tač. 1., 2., 3. i 4. ovog stava;
- maloljetna braća i sestre, kao i braća i sestre nesposobni za privređivanje, a čija nesposobnost je nastupila prije navršene 15. godine života, ako su sa njim živjeli u zajedničkom domaćinstvu do njegove smrti, odnosno do stupanja u Oružane snage i ukoliko nemaju roditelje, odnosno članove uže porodice;
- lica iz člana 17. stav 1. tačka 7. ostvaruju prava pod uvjetima i na način utvrđen za lica iz stava 1. tačka 1. ovog člana.

Ako užu porodicu sačinjavaju bračni drug sa jednim ili više članova porodice iz stava 1. tačka 2. ovog člana, bračni drug ima pravo na porodičnu invalidninu kao sauživalac sa njima, bez obzira na uvjete iz stava 1. tačka 1. ovog člana.

Član 21.

Lica iz člana 20. stav 1. tač. 1. i 2. ovog Zakona ostvaruju pravo na porodičnu invalidninu pod uvjetima, na način i u postupku utvrđenim ovim Zakonom, a iznos porodične invalidnine utvrđuje se od osnovice iz člana 12. stav 2. ovog Zakona kako sljedi:

- za jednog člana porodice u visini 43 % od osnovice;
- za dva člana porodice u visini 55 % od osnovice;
- za tri člana porodice u visini 60 % od osnovice;
- za četiri i više članova porodice u visini 65 % od osnovice.

Za lica iz člana 20. stav 1. tačka 1. ovog Zakona, koja nisu imala djecu a koja imaju prihod po osnovu radnog odnosa, penzije ili vršenja samostalne djelatnosti, porodična invalidnina iznosi 20 % od osnovice.

Izuzetno, od uvjeta iz člana 20. stav 1. ovog Zakona bračnom drugu, bez obzira na godine života, ako ne ostvaruje druge prihode, čija su djeca prestala biti korisnici prava

na porodičnu invalidninu, prema ovom Zakonu, pripada pravo na porodičnu invalidninu u visini od 43 % od osnovice.

Poslije smrti ratnog vojnog invalida od I do IV grupe koji je bio korisnik dodatka za njegu i pomoć od drugog lica, članovi porodice sa kojima je do njegove smrti živio u zajedničkom domaćinstvu tri godine prije njegove smrti, imaju pravo na porodičnu invalidninu na način i pod uvjetima utvrđenim u čl. 17., 20., 21. i 22. ovog Zakona.

Poslije smrti ratnog vojnog invalida od II do VII grupe, čija smrt je posljedica rane, povrede ili oboljenja, po kom osnovu je ostvario pravo na ličnu invalidninu, članovi porodice sa kojima je živio u zajedničkom domaćinstvu tri godine prije njegove smrti imaju pravo na porodičnu invalidninu na način i pod uvjetima utvrđenim u čl. 17., 20., 21. i 22. ovog Zakona.

Rok od tri godine propisan u st. 5. i 6. ovog člana ne odnosi se na djecu ratnih vojnih invalida i bračne drugove koji imaju djecu sa umrlim ratnim vojnim invalidom koji bez obzira na vrijeme trajanja zajedničkog življenja sa umrlim ratnim vojnim invalidom imaju pravo na porodičnu invalidninu ukoliko su ispunjeni drugi uvjeti iz st. 5. i 6. ovog člana.

Bračni drugovi poginulih branilaca i bračni drugovi umrlih ratnih vojnih invalida, bez obzira na uzrok smrti, koji su bili korisnici prava na dodatak za njegu i pomoć drugog lica prema članu 13. ovog Zakona mlađi od 45 godina i sposobni za privređivanje a nemaju djece, ako ne ostvaruju prihode na osnovu radnog odnosa, penzije ili vršenja samostalne djelatnosti, imaju pravo na porodičnu invalidninu u visini od 43% od osnovice utvrđene zakonom, a ukoliko ostvaruju bilo koji od navedenih prihoda, imaju pravo na porodičnu invalidninu u iznosu od 20% od osnovice utvrđene zakonom.

Član 21a.

Nakon smrti ratnog vojnog invalida II-VII grupe čija smrt nije posljedica ranjavanja, povrede ili oboljenja, po kom osnovu je ostvario pravo na ličnu invalidninu, kao i nakon smrti ratnog vojnog invalida VI-X grupe članovi njegove porodice iz člana 20. stav 1. tač. 1. i 2. ovog Zakona koji nisu u radnom odnosu a koji su živjeli u zajedničkom domaćinstvu, imaju pravo na porodičnu invalidninu u visini od 50% iznosa njegove ratne vojne invalidnine.

Član 21b.

Supruga ratnog vojnog invalida u smislu prethodnog stava navedeno pravo ostvaruje ukoliko je živjela u zajedničkom domaćinstvu sa suprugom najmanje tri godine, a djeca isto pravo ostvaruju bez obzira na vrijeme zajedničkog življenja.

Član 21c.

Izuzetno od uvjeta iz člana 20. stav 1. tačka 2. ovog Zakona, djeca bez oba roditelja koja su nezaposlena i nalaze se na evidenciji kantonalne službe za zapošljavanje, imaju pravo na porodičnu invalidninu u iznosu navedenom u članu 21. stav 1. ovog Zakona do zaposlenja a najdalje do 25. godine života.

Član 22.

Porodična invalidnina za jednog roditelja neženjenog poginulog branioca iznosi 43% od osnovice.

Ukoliko porodičnu invalidninu koriste oba roditelja neženjenog poginulog branioca, porodična invalidnina iznosi 50% od osnovice.

Za jednog roditelja ženjenog poginulog branioca koji ostvaruje druge mjesecne prihode, porodična invalidnina iznosi 10% od osnovice.

Ukoliko porodičnu invalidninu koriste oba roditelja koji imaju druge mjesecne prihode, porodična invalidnina iznosi 15% od osnovice.

Za jednog roditelja ženjenog poginulog branioca koji nema drugih redovnih mjesecnih prihoda, porodična invalidnina iznosi 27% od osnovice.

Ukoliko porodičnu invalidninu koriste oba roditelja, pod uvjetima iz prethodnog stava, porodična invalidnina iznosi 35% od osnovice.

Izuzetno, roditeljima ženjenog poginulog, umrlog ili nestalog branioca iza kojeg nije ostalo potomstvo pripada pravo na porodičnu invalidninu iz člana 22. stav 1. odnosno stav 2. Zakona ukoliko pravo na porodičnu invalidninu ne koristi bračni drug zbog stupanja u novi brak ili izvanbračnu zajednicu, kao i u slučaju kad je brak prestao prije smrti poginulog, umrlog ili nestalog branioca iza kojeg nije ostalo potomstvo."

Član 27.

Ratni vojni invalidi i njihove porodice, članovi porodice poginulih, umrlih, nestalih branilaca, članovi porodice umrlih ratnih vojnih invalida i demobilizirani branioci, ostvaruju pravo na zdravstvenu zaštitu iz obaveznog zdravstvenog osiguranja, saglasno odredbama Zakona o zdravstvenoj zaštiti («Službene novine Federacije BiH», broj 29/97) i Zakona o zdravstvenom osiguranju («Službene novine Federacije BiH», br. 30/97 i 7/02), kao i saglasno odgovarajućim izmjenama i dopunama navedenih zakona, ukoliko to pravo ne mogu ostvariti po drugom osnovu.

Nadležni organ kantona posebnim propisom utvrđuje postupak i način ostvarivanja zdravstvene zaštite za lica koja nisu osigurana, saglasno odredbama Zakona o zdravstvenom osiguranju.

Nadležni organ kantona posebnim propisom utvrđuje kriterije za ostvarivanje prava na liječenje u inozemstvu ratnih vojnih invalida, djece poginulog branioca, umrlog i nestalog branioca, demobiliziranog branioca i djeci demobiliziranih branilaca prema utvrđenoj medicinskoj indikaciji i u skladu sa Zakonom o zdravstvenom osiguranju i propisu o upućivanju osiguranih lica na liječenje u inozemstvo.

Ratni vojni invalidi ostvaruju pravo na korištenje ortopedskog pomagala u skladu sa utvrđenom medicinskom indikacijom i propisima koji reguliraju ovo pitanje.

Nadležni organi osigurat će isticanje obavijesti na vidnim mjestima (bolnice, ambulante, općine, sudovi i druge javne ustanove) da prednost bez čekanja u redu imaju teži ratni vojni invalidi i roditelji šehida i poginulih branilaca koji će svoj status dokazivati odgovarajućim iskaznicama.

Član 28.

Kantonalni i federalni organi nadležni za reguliranje u oblasti zapošljavanja na odgovarajući način reguliraju prava iz oblasti zapošljavanja pri čemu će se za branilačku populaciju osigurati adekvatna podrška.

Član 29.

Kantoni svojim propisima osiguravaju prioritetno rješavanje stambenih pitanja pripadnika branilačke populacije u skladu sa važećim propisima. Stambeno zbrinjavanje i pomoć u stambenom zbrinjavanju branilačke populacije vrši se po pravu prvenstva kako sljedi:

1. djeci poginulih, umrlih, nestalih branilaca bez oba roditelja i ratnim vojnim invalidima sa oštećenjem organizma od 100% I grupe;
2. porodicama sa dva i više poginulih, umrlih, nestalih branilaca i ratnim vojnim invalidima sa oštećenjem organizma od 100% II grupe;
3. porodicama poginulih, umrlih, nestalih branilaca i ratnim vojnim invalidima sa oštećenjem organizma od 90%, 80% i 70%;
4. ostalim ratnim vojnim invalidima;
5. demobiliziranim braniocima.

Član 31.

Ratni vojni invalidi, članovi porodice poginulih, umrlih, nestalih branilaca, ratnih vojnih invalida i demobilizirani branioci pod povoljnijim uvjetima mogu ostvariti pravo na penziju i dodatak na penziju u skladu sa propisima iz oblasti penzijsko-invalidskog osiguranja.

Član 31.b

Ratni vojni invalidi stižu pravo na punu starosnu penziju sa navršenih 35 godina penzijskog staža, bez obzira na godine života, odnosno pravo na starosnu penziju kad navrše 55 godina života i najmanje 20 godina penzijskog staža pod uvjetima i na način propisan Zakonom o penzijskom i invalidskom osiguranju.

Član 57.

Sredstva za ostvarivanje i korištenje prava propisanih ovim Zakonom osigurat će se iz:

- federalnog budžeta;
- budžeta kantona;
- budžeta općine;
- drugih prihoda.

U federalnom budžetu osiguravaju se sredstva za isplatu:

- porodičnih invalidnina;
- uvećanih porodičnih invalidnina;
- ličnih invalidnina;
- ortopedskog dodatka;
- dodatka za njegu i pomoć drugog lica i
- pomoć u slučaju smrti.

Visina osnovice iz člana 12. stav 2. Zakona usklađivat će se sa odredbama Zakona o budžetima u Federaciji BiH.

Za obračun i isplatu mjesecnih novčanih naknada po ovom Zakonu primjenjivat će se koeficijent, u skladu sa Zakonom o budžetima u Federaciji BiH.

UBRZAC IZJAVE O FISKALNOJ PROCJENI

Obrázek | EBD-DA

811000	Kapitalni primici od prodaje stalnih sredstava				0	0				0	0			0	0
813000	Primici od finansijske imovine				0	0				0	0			0	0
814000	Primici od dugoročnog zaduživanja				0	0				0	0			0	0
815000	Primici od kratkoročnog zaduživanja				0	0				0	0			0	0
UKUPNO PRIHODI I PRIMCI					0	0				0	0			0	0

3.2. Rashodi i izdaci budžeta

KOD	NAZIV	TROŠKOVI PREVOĐENJA U TEKUĆOJ GODINI n							TROŠKOVI PROVOĐENJA U TEKUĆOJ GODINI n+1							TROŠKOVI PROVOĐENJA U TEKUĆOJ GODINI n+2						
		Budžet	Namjenski izvori	Ostali izvori	Ukupno dodata sredstva	Planirana sredstva unutar budžeta u tekućoj godini	Ukupna potrebna sredstva za provođenje	Preraspodjelje	Budžet	Namjenski izvori	Ostali izvori	Ukupni dodatni prihodi i primici	Plan prihoda i primitaka u tekucem budzetu	Ukupni prihodi i primici nakon provođenja	Budžet	Namjenski izvori	Ostali izvori	Ukupni dodatni prihodi i primici	Plan prihoda i primitaka u tekucem budzetu	Ukupni prihodi i primici nakon provođenja		
		1	2	3	4=1+2+3	5	6=4+5	7	8	9	10=7+8+9	11	12	13=11+12	14	15	16	17=14+15+16	18	19=17+18		
611000	Plaće i naknade troškova zaposlenih				0		0												0		0	
612000	Doprinosi poslodavca i ostali doprinosi				0		0							0		0			0		0	
613000	Izdaci za materijal, sitni inventar i usluge				0		0						0		0			0		0		
614000	Tekući transferi i drugi tekući rashodi	18.500.000			18.500.000	263.185.000	271.685.000		271.685.000			271.685.000		271.685.000		271.685.000		271.685.000		271.685.000		271.685.000
615000	Kapitalni transferi				0		0						0		0			0		0		0
616000	Izdaci za kamate				0		0						0		0			0		0		0
689000	Rashodi od internih transakcija				0		0						0		0			0		0		0
821000	Izdaci za nabavku stalnih sredstava				0		0						0		0			0		0		0
822000	IZDACI ZA FINANSIJSKU IMOVINU				0		0						0		0			0		0		0
823000	Izdaci za otplate dugova				0		0						0		0			0		0		0
UKUPNO RASHODI I IZDACI		18.500.000			18.500.000	253.185.000	271.685.000		271.685.000			271.685.000		271.685.000		271.685.000		271.685.000		271.685.000		271.685.000
FISKALNI EFEKAT PROPISA:		-18.500.000	0	0	-18.500.000	-253.185.000	-271.685.000		-271.685.000	0	0	-271.685.000	0	-271.685.000	0	-271.685.000	0	0	0	271.685.000	0	271.685.000

3.3. Obrazloženje promjena u prihodima i primicima, te rashodima i izdacima

Razlog za donošenje Zakona o izmjenama i dopunama Zakona o pravima branitelaca i članova njihovih porodica je usklađivanje sa Zakonom o pravima demobiliziranih branitelaca i članova njihovih porodica i Zakonom o penzijskoj i invalidskoj osiguranju.

Izmjenama i dopunama navedenog Zakona predviđeno je
povećanje osnovice za određivanje miješavina.

-povećanje osnovice za određivanje mjesecnih novčanih primanja za 5%
-usklađivanje osnovice u visini zbirne 50%

-usklađivanje osnovice u visini zbira 50% procenta porasta potrošačkih cijena i 50% procenta porasta realnog bruto društvenog proizvoda u Federaciji BiH u prethodnoj godini, a prema podacima Federalnog zavoda za statistiku, a najviše do stope rasta realnog društvenog proizvoda u Federaciji BiH u prethodnoj godini.

-da supruga umrolog ratnog vojnog invalida bez obzira na uzrok smrti, mlađa od 45 godina, učlanjivanje u vojnu penziju.

50% iznosa invalidnine umrlog ratnog vojnog invalida, -za jednog roditelja ženjenog poginulog branjice, koji nema drugih učesnika.

Za jednog roditelja ženjelog poginulog branjoca, koji nema drugih prihoda porodična invalidnina iznosi 43% od osnovice, a ukoliko porodičnu invalidnину koriste obe roditelje - za diecu bez obzira na starost.

-za djecu bez oba roditelja, koja se nalaze na evidenciji Službe za zapošljavanje, porodična invalidnost između 10% i

Za realizaciju novih hitova potreban je novi radnički koridor, čije se za zapošljavanje, porodična invalidnina iznosi 43% od osnove.


Za realizaciju navedih izmjena i dopuna Zakona o pravima branilaca i članova njihovih porodica potrebno je obezbijediti dodatna finansijska sredstva u Budžetu Republike Hrvatske za 2018.

U Finansijskom zahtjevu Ministarstva za 2022. godinu, kao i Nacrtom Budžeta Federacije BiH planirana su sredstva u iznesu od 271.225.000,00 KM.

**planiranja s
Napomens**

Zakon o izmjenama i dopunama Zakona o pravima branilaca i članova njihovih porodica, kojim je predviđeno povećanje iznosa dodatka za tuđu njegu i pomoći od drugog lica za 100%, usvojen je na Predstavničkom domu Parlamenta Federacije BiH. Za provođenje ovog Zakona (trenutno 600 ratnih vojnih invalida korisnika tuđe njege) potrebna su dodatna finansijska sredstva u iznosu od 5.197.713,00 KM, na godišnjem nivou.

D 4. Promjena broja zaposlenih

E 6. Fiskalni efekt na druge nivoje vlasti	
NAZIV	
Budžet BiH, vanbudžetski fondovi i korisnici	
Budžet Federacije Bosne i Hercegovine, Federalni vanbudžetski fondovi i korisnici	
Budžet kantona, vanbudžetski fondovi i korisnici	
Budžet Brčko distrikta Bosne i Hercegovine	
Jedinice lokalne samouprave (općine i gradovi)	
F 7. Pečat i polpis odgovornog lica obradivača propisa	<p>Pečat: </p> <p>Polpis: Po ovlaštenju Vlade FBiH, pomoćnik ministra Mirza Toso</p>
Mjesto i datum	, 03-02-2022